



Broj: 15-03-16-5-1096/15
Datum: 25.11.2015. godine

Na osnovu člana 61. Zakona o upravi (Službeni glasnik BiH broj 32/02), člana 19. Zakona o Agenciji za identifikaciona dokumenta, evidenciju i razmjenu podataka BiH (Službeni glasnik BiH broj 56/08), člana 69. stav 2. tačka d) i člana 70. Zakona o javnim nabavkama BiH („Službeni glasnik“, broj 39/14), direktor Agencije donosi slijedeću:

ODLUKU **o poništenju postupka nabavke**

I

Poništava se postupak javne nabavke usluga hotelskog smještaja u Sarajevu koji je proveden u skladu sa postupkom dodjele ugovora o uslugama iz Aneksa II. Dio B Zakona o javnim nabavkama BiH.

II

Ova odluka će se dostaviti ponuđačima putem pošte u roku od 3 (tri) dana, a najkasnije u roku od 7 (sedam) dana od dana donošenja.

O b r a z l o ž e n j e

Na osnovu provedenog postupka nabavke, Komisija za nabavke, imenovana Rješenjem broj: 15-03-16-5-1096/15 od 20.10.2015. godine, konstatovala je da je rok za dostavu ponuda 19.10.2015. godine do 10:00 sati, te da je do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigla samo jedna ponuda za LOT 2 i to ponuđača BOSNIA – hoteli i restorani d.o.o. Sarajevo. Neblagovremenih ponuda nije bilo.

Komisija je predložila donošenje odluke o poništenju postupka nabavke, u skladu sa članom 69. stav 2. tačka d) Zakona o javnim nabavkama BiH, iz razloga što je jedini ponuđač koji je dostavio ponudu BOSNIA – hoteli i restorani d.o.o. Sarajevo ocijenjen kao nekvalifikovan nakon izvršene provjere kvalifikacije ponuđača prema uslovima učešća u pozivu za dostavu ponuda, te je njegova ponuda ocijenjena kao nekvalifikovana i neprihvatljiva.




Ponuda ponuđača BOSNIA – hoteli i restorani d.o.o. Sarajevo, nije kvalifikovana i prihvatljiva iz razloga jer navedeni ponuđač nije dostavio ni jednu potvrdu o realizaciji kako je to traženo tačkom 3.3 poziva za dostavu ponuda ili dokaz o učinjenim pokušajima da se takve potvrde osiguraju.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda ovog zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine (Maršala Tita broj 11a, Sarajevo) putem ugovornog organa, u pisanoj formi direktno ili preporučenom poštanskom pošiljkom, u rokovima propisan Zakonom. Žalba se podnosi u dovoljnom broju primjeraka, a koji ne može biti manji od tri, kako bi mogla biti uručena kvalificiranom kandidatu ili izabranom ponuđaču, kao i drugim strankama u postupku.

X



DIREKTOR

Edin Nesimi

Signed by: ENESIMI / digitalno potpisano / digitally signed